

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa policijski komesar, Generalni inspektor policije Nusret Selimović, (u daljem tekstu Ugovorni organ)

i
SHOT d.o.o Zenica, Zmajevačka cesta 55C, ID: 4218126090005, koga zastupa direktor Vedran Ključanin (u daljem tekstu: Dobavljač)

zaključili su:

UGOVOR O NABAVCI USLUGA PRODUŽENJA TEHNIČKE PODRŠKE ZA IBIS SISTEM

Član 1.

Predmet ovog ugovora je nabavka usluga produženja tehničke podrške za IBIS sistem na period od 12 (dvanaest) mjeseci (Forensic technology, Safe Guard Warranty and protection plan) za potrebe Uprave policije Ministarstva unutrašnjih poslova Kantona Sarajevo.

Podrška i garancija se produžavaju na period od 12 (dvanaest) mjeseci za sljedeću opremu i usluge: IBIS BRASSTRAX Acquisition Station (ser. Br. BRTX00000988), IBIS MATCHPOINT Analysis Station for Cartridge Cases (ser. Br. MPP2628), IBIN Hosted Correlation service, IBIN Hosted Storage service.

Produženje garancije podrazumijeva produženje garantnih uslova, što pored ostalog uključuje i zamjenu dotrajalih dijelova i/ili komponenti sistema.

Nabavka je izvršena putem otvorenog postupka, broj obavještenja o nabavci 16475-1-2-43-3-81/22.

Ugovor se zaključuje u skladu sa uslovima iz tenderske dokumentacije i ponudom Dobavljača.

Ponuda Dobavljača broj 22-175-KT-4 je sastavni dio ovog ugovora.

Član 2.

Ukupna vrijednost ovog ugovora za predmetnu nabavku bez PDV-a iznosi 71.390,00 (sedamdesetjedenhiljadatristotinedevdeset i 00/100) KM.

Dobavljač se obavezuje na nepromjenjivost ponuđenih cijena tokom cijelog ugovorenog perioda i da će pod istim uslovima u periodu trajanja ovog ugovora vršiti isporuke predmetnih roba i vršiti usluge za potrebe Uprave policije Ministarstva unutrašnjih poslova Kantona Sarajevo.

Član 3.

Dobavljač se obavezuje da će izvršiti ugovorenu uslugu u roku od 60 (šezdeset) dana od dana obostranog potpisivanja ugovora.

Sve troškove primopredaje kao i troškove reklamacije snosi Dobavljač.

Član 4.

Prilikom izvršenja usluge koja je predmet ovog ugovora, ovlaštena osoba Dobavljača je obavezna ovlaštenoj osobi ispred Ugovornog organa dostaviti otpremnicu za izvršene usluge (po vrsti i količini) u 2 (dva) primjerka, koje su uredno ovjerene i potpisane od strane ovlaštene osobe Dobavljača. Po prijemu robe/izvršenoj usluzi otpremnicu potpisuje i ovlaštena osoba Ugovornog organa.

O izvršenim uslugama bit će sačinjen zapisnik o kvalitativnom i kvantitativnom prijemu (čiji će sastavni dio biti otpremnica). Zapisnik se sačinjava u 2 (dva) istovjetna primjerka, od kojih jedan zadržava Ugovorni organ, a jedan Dobavljač. Zapisnik će biti potpisan od strane

ovlaštenog lica Ugovornog organa i od strane ovlaštenog lica Dobavljača. Sve primjedbe o predmetu nabavke će biti konstatovane u zapisniku.

Ukoliko lice zaduženo za prijem konstatuje određene nedostatke u kvalitetu ili kvantitetu robe/usluga, neće se sačinjavati zapisnik o prijemu, već će se sačiniti zapisnik o reklamaciji, koji Ugovorni organ dostavlja Dobavljaču.

Član 5.

Dobavljač se obavezuje priznati reklamaciju na kvantitet i kvalitet usluga, koja će biti proračunata zapisnikom o reklamaciji, uz obavezno navođenje nedostataka usluga i datuma i broja računa (otpremnice) Dobavljača kako bi se zadovoljili uslovi reklamacijskog roka.

Usluga će se smatrati uredno izvršenom tek kada u zapisniku o prijemu bude konstatovano da je primopredaja izvršena bez primjedbi.

U slučaju osnovanih primjedbi na ispunjenje ugovorenih obaveza Dobavljača, konstatovanih u zapisniku o reklamaciji, Dobavljač je dužan da o svom trošku učini sve da te nedostatke otkloni u što kraćem roku, koji će mu u zapisniku odrediti Ugovorni organ.

Član 6.

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku безусловne bankarske garancije u iznosu od 10% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku koji je odredio ugovorni organ, zaključeni ugovor će se smatrati apsolutno ništavim.

Član 7.

Plaćanje će se vršiti u roku od 30 (trideset) dana od dana uredno izvršene usluge i dostavljanja pojedinačne fakture, na tekući račun Dobavljača.

Član 8.

Ukoliko Ugovorni organ ocijeni da Dobavljač nije u stanju kontinuirano i kvalitetno izvršavati preuzete obaveze, odnosno ukoliko izvršena usluga nije u skladu sa datom ponudom iz člana 1. ovog Ugovora, Ugovorni organ može jednostrano, bez saglasnosti Dobavljača, raskinuti ovaj ugovor.

Član 9.

Ugovorni organ zadržava pravo raskida ugovora ukoliko usluga u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Član 10.

U slučaju kašnjenja u isporuci i izvršenju usluge, do kojeg je došlo krivicom Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene usluge, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluge koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile.

Član 11.

Garancija Dobavljača iznosi:

- 12 (dvanaest) mjeseci i počinje da teče od datuma isporuke i izvršenja usluge.

Dobavljač se obavezuje da će poštovati sve garantne uslove, a u toku trajanja garantnog perioda.

Ova obaveza Dobavljača se ne odnosi na štetu koja nastupi kao posljedica nestručnog rukovanja ili više sile.

Član 12.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja ugovornih strana i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Ugovorna strana pogođena višom silom odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 13.

Dobavljač nema pravo zapošljavati, u svrhu izvršenja ovog ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke Ugovornog organa, najmanje 6 (šest) mjeseci po zaključenju ovog ugovora, odnosno od početka realizacije ovog ugovora.

Član 14.

Na ostala prava i obaveze ugovornih strana, koja nisu regulisana ovim ugovorom, primjenjivat će se odredbe Zakona o obligacionim odnosima.

Član 15.

Eventualno nastale sporove pri realizaciji ovog ugovora, ugovorne strane će rješavati sporazumno, a ukoliko to nije moguće, utvrđuje se nadležnost Suda u Sarajevu.

Član 16.

Ovaj ugovor je zaključen, kada isti potpišu obje ugovorne strane i traje do realizacije ugovorene obaveze obje ugovorne strane.

Član 17.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

DOBAVLJAČ
SHOT d.o.o Zenica

direktor Vedran Ključanin



UGOVORNI ORGAN
MUP KANTONA SARAJEVO
UPRAVA POLICIJE

POLICIJSKI KOMESAR
Generalni inspektor policije
Nusret Selimović

Broj: 22-119-UR
Datum: 15.12.2022.

Broj: 02-11-4-6578-6/22
Datum: 09.12.2022. godine